

**BN Selangor Anjur Program Autoshow Challenge 2012 Sabtu Ini**  
**Bernama**  
**04 Julai, 2012**

SHAH ALAM, 4 Julai (Bernama) -- Barisan Nasional (BN) Selangor akan menganjurkan program "Autoshow Challenge 2012" selama dua hari bermula Sabtu ini dalam usaha mendekati golongan muda pada peringkat akar umbi.

BN Selangor dalam satu kenyataan berkata program itu akan diadakan di pekarangan tempat letak kereta Akademi Percukaian Malaysia di Bangi.

Menurut kenyataan itu selain mempromosi sukan permotoran, program tersebut juga akan menyalurkan maklumat tepat dan terkini kepada golongan muda mengenai program kerajaan selaras dengan konsep 1Malaysia.

"Ia juga akan mempromosi BN sebagai pilihan orang muda di samping memupuk perpaduan dalam kalangan belia menerusi penglibatan acara sukan permotoran yang begitu popular masa kini," kata kenyataan itu.

-- BERNAMA

Hak Cipta Terpelihara © 2012 BERNAMA

Source: <http://www.bernama.com/bernama/v6/bm/newsindex.php?id=678071>